

JANMIEN SIELE BLE JUNMAN

AFUE 2013, DESAMBLU

LE MOCUE M'D BO I BO DESAMBLU I LE 9

Jue 84 ye srele

❑ Asɔnun'n i Biblu'n nun like suanle:

jil like suanle 17-19 (Min. 30)

❑ Janmien junman dile suklu:

Biblu'n nun kannganle: 1 Zan 1—Zid (Min. 10)

No. 1: 1 Zan 5:1-21 (Nán maan o tra miniti 4)

No. 2: ?Be nga be tɔn be wun suen ke be ti Klist-fue'n, be su nde benin ye Zezi kannin on?—fg bue 20, kosan 2 (Min. 5)

No. 3: ?Wafa se ye a kwla wun Janmien i sufue kpa'm be wle o?—fg bue 20, kosan 3, nde ce 1 (Min. 5)

❑ Junman dile apia:

Jue 5

Min 15: Afue 2014 nun Janmien junman dile suklu'n. Ijole. O ti suklu sunianfue'n i lie. Afstue nga be o afue 2014 nun suklu'n i siesiele fluwa'n nun'n, kan be nun nga be kwla yo amun asɔnun'n i nun-fue'm be cinnjin'n be nde. Se be su bo Biblu'n nun fluwa kun i nun kannganle bo'n, o nunman nun ke aniaan bian ng'ɔ dí Biblu'n nun nde kpol'e fe'm be nun yiylé junman'n, o fa e fluwa "Toute Écriture" i nun nde'n fa fiti i ijole'n su kun. Wla aniaan'm be kwlaa be fanngan ke junman nga be fa man be'n, be nian nun di i kpa. O kwla yo Biblu'n nun nde kpol'e fe bole junman'n i bo suanle. Kpeku, wla be fanngan ke be nanti fluwa École du ministère i nun afstue nga be man e le mocue kwlaa nun'n, be su.

Min 15: ?É yó se naan y'a fiti e nde'n su klanman?" Kosan usale nin i su tele. Maan be yi fluwa Biblu'n kle i fa manle wafa npon be nglo. I klikli'n nun'n, aniaan'n w'a fitimen i nde'n su klanman. Sannge i npon su lie'n ti kpa.

Jue 60 ye srele

?É yó se naan y'a fiti e nde'n su klanman?

1. Tro fe'n ye o cuen janda'n niɔn. I wafa kungba'n, se e fiti e nde'n su klanman'n, e kwla pan Janmien nde'n i kanle'n i wun atin. Nde su fitile'n kwlaa kwlaa yoman kun. Wie ti kpe tra wie. Nde nga sran kun kan'n nén i kunngba'n ye sran uflé kan on. Sannge se e waan e nde'n i su fitile'n yo sran'm be fe ke ale' fefe sa'n, o fata ke titi'n e dun mmua bu su akunndan ye e siesie e wun kpa.

1. ?Ngue ti ye o ti cinnjin ke e fiti e nde'n su klanman on?

(Nya. 15:28) ?E yo se naan e nde'n i su fitile'n w'a yo sran'm be fe?

2 Maan e kunnde nde ng'o ti sran'm be cinnjin'n: Nde ng'o ti sran'm be cinnjin'n ye o fata ke e fa fiti e nde'n su o. Se o timen i ti'n, be nin e su kokoman yale. O maan, ke é siesie e wun'n, sa ng'o ti e jasin bowle nun lɔfue'm be cinnjin'n, maan e bu be akunndan. ?Awa kun m'ɔ kwlá sie be kpa'n ye be kunnde o? ?Be kunnde ke be awlobon'i nun tranle'n yo fe? ?Annze be kunnde ke ale'm be wie? Titi'n, sran'm be kunnde ke bé kán be klun nde. I so'n ti'n, ke é siesie e wun'n, maan e kunnde ko-san mo maan sran kun kwla ken i klun nde'n. Ajale nga be o e Janmien Siele Ble junman fluwa'n nun'n, e kwla nian su e di junman e jasin fe'n bowle nun. Cen wie'n, ke amún sú Janmien awlo lo nnɔsua nun'n, amun kwla yi nde kanle'n i su fitile'n i nglo wie.

3 Maan e bu sran'm be nzuen'n nin wafa nga be tali be'n, be akunndan: Lika wie nun'n, nde nga ti ye e ba sran'm be wun wunle'n, e kan kle be trele. Sannge lika uflé wie'm be nun'n, se e yo so'n, bé sé ke e piñ yiman sran. O fata ke e usa sran'm be ke be wun ti kpa. Annze lika nga e fin'n, o fata ke e kan kle be kwlaa naan y'a bo jasin fe'n y'a kle be. Lika wie'm be nun'n, sran'm be ko ason-nun. O maan e nde'n i su fitile nun'n, e kwla kan Biblu'n i nde trele. (Yol. 2:14-17) Sannge lika nga sran'm be ko man asɔnun'n annze Janmien sole wafa uflé wie nun le'n, e minnde kan. Ke e sa e sin e ba be osu nianle ekun'n ye o fata ke e kan Biblu'n i nde e kle be o.—Yol. 17:22-31.

4 E nde'n i su fitile'n: Nde nga é fá fiti e yale kopol'e'n su'n, maan e bu i akunndan kpa. Nde ng'o ti kpe kan mo i wle wunle yoman ya'n, ye o ti kpa o. Wafa nga e fiti e nde'n su e kle sran mun'n, o ti cinnjin wie. Maan e yo i juejue su. Se srele o e nuan'n, i le nun'n sran'm bé wún i wle ke be nde lo e kpa. Se e nian afstue so'm be su e jasin fe'n bowle nun'n, é wún wafa nga é yó naan e nde'n i su fitile'n w'a yo sran'm be fe'n naan b'a kunnde ke 'be nin Zoova bé wlá asa'n.'—1 Kor. 10:21.

2. ?Wafa se ye ke é siesie e wun'n, e kwla kunnde nde'n i su fitile ng'o ti sran'm be cinnjin'n niɔn?

3. ?Wafa se ye sran'm be nzuen'n nin wafa nga be tali be'n kwla uka e naan y'a wun nde'n i su fitile'n ng'o fata'n niɔn?

4. ?Wafa se ye o fata ke e fiti e nde'n su o?

LE MDCUE M'D BO I BO DESAMBLU I LE 16

Jue 116 ye srele

□ Asɔnun'n i Biblu'n nun like suanle:

jil like suanle 20-22 (Min. 30)

□ Jnanmien junman dile suklu:

Biblu'n nun kannganle: Sa Nglo Yile 1–6 (Min. 10)

No. 1: Sa Nglo Yile 3:14–4:8 (Nán maan o tra miniti 4)

No. 2: ?Wafa se ye a kwla wun Jnanmien i sufue kpa'm be wle o?—fg bue 21 nde ce 2, 3 (Min. 5)

No. 3: ?Wafa se ye a kwla wun Jnanmien i sufue kpa'm be wle o?—fg bue 21 nde ce 4, 5 (Min. 5)

□ Junman dile apia:

Jue 44

Min 10: Junman nga e dili'n. Ijple nin nzrafue'm be kosan usale. O ti junman sunianfue'n i lie. Siele Ble'n i ngannien n° 38 i cecèle'n nun'n, kle aniaan mun lika nga amun dili junman so'n lele juli'n. Se aniaan mun naan be kan ye nga be dili i junman so'n nun'n i nde. Se be le nde fe wie'n maan be kan.

Min 10: Maan gbanflen nin talua mun be manman Zoova. (Jue. 148:12, 13) Usa gbanflen annze talua njon annze nsan mo be kle ajale kpa'n be kosan. Usa be tinuntinun ke: 'Ké a o suklu ls'n, niinge benin mun ye be sa o Jnanmien sulafile'n nian on? ?Wafa se ye o si'n nin o nin' be ukali wo naan w'a fa ajale kpa o? ?Ngue ye maan a kwla jannin wunmien kannin Jnanmien Nde'n njon?' Se be naan be bo sa wie'm be su.

Min 10: "Ké ɔ fé i Zanvie i le 6 su'n, fluwa An fa amun wun mantan Zoova i nun ye é súan like o." Kosan usale nin i su tele.

Jue 75 ye srele

Ké ɔ fé i Zanvie i le 6 su'n, fluwa An fa amun wun mantan Zoova i nun ye é súan like o

¹ Zoova klo ke e fa e wun e menten i. (Zak 4:8) O maan asɔnun'n i Biblu'n nun like suanle apia'n bo'n, fluwa An fa amun wun mantan

1. ?Ké o fe i Zanvie i le 6 su'n, ngue ye ɔ úka e naan y'a fa e wun y'a mantan Zoova kpa o?

tan Zoova i nun ye é súan like o. Ké ɔ fé i Zanvie i le 6 su'n, ye é bó i bo o. Fluwa'n i bue klikli'n kan like nga ti ye be yili fluwa so'n, i nde se ke: "Zoova yili i nzuen'n i nglo ye Zezi Klist niannin i ajale'n su nantili. Se e fa e pin sie i be ajale'n su'n, naan e mian e pin e yo so wie'n, e nin Jnanmien e afien'n mántan kpa." Asɔnun'm b'a dun mmua b'a suan fluwa so'n i nun like afue 2004 nin 2005 nun. Sannge ke o fe i le'n, sran ko ju akpinngbin njon be wa sili nde nanwle'n, ye be kacili jasin bofue. O maan ble ye sran so'm be nun sunman be su wa suan Zoova i sran'n i wafa'm be su like kpa o. ?Ye be nga be suannin fluwa'n i nun like laa'n nin? Se be flan nun ekun'n, i so'n úka be kpa. Bé kló Zoova i sran'n i wafa mun dan trá laa'n. —Jue. 119:14.

2 Wafa nga é súan nun like'o: Maan apia'n i tinngefue'n kan nde kun annze njon fa fiti like suanle'n su. B'a kleman e Biblu'n nun nde mma trele kun ke e kanngan nun. Apia'n i tinngefue'n bəbə ye o kunnde Biblu'n nun nde mma cinnjin ng'o ti mo be kanngan nun'n njon. Like suanle kwlaa i awielie'n, o kwla usa kosan kun annze njon. O ti i nun flanle kan. Maan e fa kuku nga be fle i "Biblu'n nun nde'n su akunndan bule" e flan e like suanle'n nun. Se e le i wun ble'n, maan be kanngan Biblu'n nun nde mma nga be o le'n nun wie. Kpeku apia tinngefue'n kwla jran su usa nzrafue'm be kosan naan be te su.

3 Maan o yo e ye: Se bəbə w'a dun mmua w'a suan fluwa so'n nun like'n, sannge o fata ke a siesie o wun kpa naan w'a wo apia'n i bo. Te kosan'm be su. Afin i so'n manman Zoova, o yo maan like nga a suan'n be ka o klun, kpeku o yo nzrafue'm be ye wie. (Jue. 35:18; Ebr. 10:24, 25) Zoova i nzuen'm be leman wun-su. Se a bu be su akunndan'n, a nin i amun afien'n mántan kpa. (Jue. 77:12-14) Ké o yo so'n, á kló kpa ke á nfén i mmla'm be su, kpeku o wun blíblí o ke a ken i nde kle o wiengu. —Jue. 150:1-6.

2. ?Wafa se ye é súan fluwa An fa amun wun mantan Zoova i nun like o?

3. ?Ké é súan fluwa'n i nun like'n, ngue ye o fata ke e yo o? ?Ye ngue ti o?

LE MDCUE M'D BO I BO DESAMBLU I LE 23

Jue 127 ye srele

❑ Asounun'n i Biblu'n nun like suanle:

jil like suanle 23-25 (Min. 30)

❑ Jnanmien junman dile suklu:

Biblu'n nun kannganle: Sa Nglo Yile 7-14
(Min. 10)

No. 1: Sa Nglo Yile 9:1-21 (Nán maan o tra miniti 4)

No. 2: ?A kwla wun Jnanmien i sule kpfafue'n i wle sien'n?-fg bue 21, kosan 4 (Min. 5)

No. 3: Sran nga ti mo sa sroesroe o le'n-td 20A (Min. 5)

❑ Junman dile apia:

Jue 124

Min 10: Fluwa nga é fá mán sran mun Zanvie nin Fevrie nun'n. Ijole nin nzrafue'm be kosan usale. Maan be kan fluwa'm be nun nde fefe wie'm be nde. Ye maan be yi fluwa'm be fa manle ajale kun annze njan nglo.

Min 20: "Uka be nga o fata ke e minnde kan naan e nin be y'a suan fluwa Biblu'n kle i nun like'n." Kosan usale nin i su tele. Ajale nga be kle e fluwa'i bue 6 su'n, maan be yi kun nglo.

Jue 46 ye srele

Uka be nga o fata ke e minnde kan naan e nin be y'a suan fluwa Biblu'n kle i nun like'n

¹ Ka naan sran kun w'a yo Zoova i sufue'n, o fata ke o si nde ng'c o Biblu'n nun'n. Sannge be nga be timan Klistfue'n be nun wie'm be bum'en i ke Biblu'n ti Jnanmien Nde. Sran uflie wie'm be lafiman Jnanmien su kaan sa, ye be buaman Biblu'n i like. ?Ngue ye o kwla ukali be nga i kli- kli nun'n, b'a sôman fluwa Biblu'n kle nun o? Nvle fanunfanun 20 nun jasin bofue wie'm be teli kosan so'n su. Nde nga be kannin'n, i su ye afstue nga be o ja ngua ye'n be taka o.

2 Be nga be lafiman Jnanmien su'n: Ke sran kun se e ke o lafiman Jnanmien su'n, se e wun sa nga ti ye o se ss'n i wle'n, o ti kpa. ?O bu i ke sran fin ndo ti o? ?Sa tete nga be o asie'n su annze

1. ?Sran ngba ye o ka le so fluwa Biblu'n kle nun o? Amun yiyi nun.

2. ?Se sran kun se e ke o lafiman Jnanmien su'n, ngue ye o fata ke e wun i wle o? ?Ye ngue ti o?

nanwle mo Jnanmien sule wafa'm be diman'n i ti o? ?I tranwle lo sran'm be lafiman Jnanmien su ti o? Atrekpa'n i klun lo'n, o se i wun ke Jnanmien o le. Sanngé o bum'en i ke Jnanmien sulafile'n ti like cinnjin. Jasin bofue kpanngban be usali sran'n i ke: "?Ke a bu i so titi o?" Be wunnin ke sran'n teli su ndende kpa. Ke sran'n kén i klun nde'n, maan e sie e su i nuan bo. Nán e kpe i nuan nde'n. Se e si sa nga ti ye sran kun lafiman Jnanmien su'n, é wún nde ng'c fata ke e kan'n o nin Biblu'n i akua ng'c fata ke e fa men i'n. -Nya. 18:13.

³ Ke é ijô e lie'n, maan e nian e wun su kpa. Nán maan e bu nde ng'c kan'n i fo. Aniaan nga be o Amlenken'm be men'n nun lo'n, be man e afstue kun. Be waan: "O ti cinnjin ke e wun i wle ke sran kun le atin lafi like ng'c klo'n su. Se e waan é klé i ke e nde lie'n ye o yo fe'n, i so'n su yoman like fi ye. Sanngé maan e use i kosan naan i bôbô wun nde'm be wle." Akpasua sunianfue kun lie'n, o yaci sran'n nun o ken i klun nde'n. Kpekun o se i ke: "?Nde ss'n e kwlá wunmen i wle wafa uflie wie?" I sin'n, o su ken i nde lie'n.

⁴ Budafue kpanngban be lafiman su kaan sa ke Jnanmien o le. I so'n ti'n, Angle'm be men'n nun lo'n, jasin bofue kpanngban be fa fluwa peplepe ng'c suan *La paix et le bonheur durables : comment les trouver* fa bo jasin. Be kanngan fluwa'n i su fitile'n nun. I sin'n, be koko akpasua "Existe-t-il vraiment un Créateur Très-Haut ?" o nin "Un guide bénéfique pour tous les humains" be su yale. Kpekun i sin'n, be fa fluwa Biblu'n kle be kle sran'n, ye be se i ke: "Kannze a lafiman Jnanmien su'n, sanngé Biblu'n i nun like suanle'n kwla yo o ye kpa. Afin afstue kpakpa'm be o nun." Aniaan kun m'o bo jasin fe'n kle sinua nga be tran Amlenken'm be men'n nun lo'n seli ke: "E jasin bowle nun lo sran kpanngban be klo fluwa nun kannganle. O maan kpe sunman, ke e fa fluwa'n e man be'n, lele nin i ke e sá e sin é kó wún be wun ekun'n, nn b'a wie nun kanngan. Sanngé like nga be fle i ke Biblu'n nun like suanle'n, be wunmen i wle. I so'n ti'n, kpe klikli nga n to be'n, n fa fluwa peplepe *Jasin fe kpa kun fin Jnanmien!* man be. Afin wafa nga be kleli i nun nde'n, o kpe yale kokole ba." Amlenken'm be nvle'n nun lo aniaan kun m'o ti sinua'm be

3. ?É yó se naan y'a kle ke e piñ yi sran'n?

4. ?Wafa se ye e kwla uka Budafue mun o?

lika nun lɔ akpasua sunianfue'n seli ke, kpe kli-
kli nga e to be'n, e kwla fa fluwa *Biblu'n kle* e kle
be. Sanngé maan e dun mmua e koko i nde tre 2
m'ɔ kan Biblu'n i nde'n, i su yale'n. O flunman
tra ke e suan i nde tre 1 m'ɔ kan Jlanmien nde'n,
i nun like.

⁵ Ke o yo naan sran kun w'a lafi Jlanmien su'n,
ɔ fa ble kpanngban. I so'n ti'n, ɔ fata ke e tra e
awlen. Ke e nin sran'n é kókó yale'n, kole ɔ su
kaman le wunmen i wle ke e le Yifue kun. San-
ngé ke ɔ kɔ i prun'n, ɔ kwlá sé i wun ke **atré-
kpa'n** Jlanmien o le. Annze kusu sa nga ti ye sran
wie'm be lafi su ke Jlanmien o le'n, ɔ kwlá wún
i wle.

⁶ **Be nga Biblu'n timan be cinnjin annze be
lafiman Biblu'n su'n:** Wie lie'n, sran'n lafi su
ke Jlanmien o le. Sanngé Biblu'n nun nde'n ti-
men i cinnjin. Afin ɔ lafiman su ke o ti Jlan-
mien Nde. Atrekpa'n, i nvle nun lɔfue'm be ti-
man Klistfue. Ye o bu i ke Biblu'n ti nvle nga i
nunfue'm be se be wun ke be ti Klistfue'm be lie.
Annze kusu i nvle nun lɔfue'm be se be wun ke
be ti Klistfue, sanngé Jlanmien nde'n su fale'n
loman be. I so'n ti'n, ɔ bumén i ke Biblu'n kwla
uke i. ?Ye wafa se ye e kwla uka i so sran lie mun
naan Biblu'n w'a yo be cinnjin naan b'a kwla
suan fluwa *Biblu'n kle* i nun like o?

⁷ Beteli ng'o o Gleki nvle'n nun lɔ'n kleli i ke:
"Ke e tike Biblu'n su mo e fe i nun nde'n e kle
sran nga Biblu'n timan be cinnjin'n, i so'n ye
ɔ ti ajale'n i kpfue'n niɔn. Jasìn bofue kpan-

5. ?Ngue ti ye e awlen trale'n ti cinnjin ɔn?
6. ?Ngue ti ye Biblu'n timan sran wie'm be cin-
njin ɔn?
7. ?Wafa se ye e kwla fa sran'm be pin sie i Biblu'n
su o?

Jasin fe'n bolé nun nde wie mun

■ **Ostrali:** Zan si fluwa kpa. I kaan nun'n, ɔ kɔ
asɔnun. Sanngé kasién su'n, ɔ wa buli i ke Jlan-
mien nunman le. Atin bofue kun mennin i fluwa
peplepe *La vie a-t-elle été créée ?* Ke o beli i osu-
nianlé ekun'n, ɔ mennin i fluwa peplepe *Origine
de la vie*. Atin bofue'n fali periodiki nga be
fite ufluefle'n bleli i titi. Ninnge nga Jlanmien yili
be'n annze nde nga Jlanmien nuan ijɔfue'm be
kannin m'ɔ kpennin su'n, be kan be nde perio-
diki so'm be nun. O yo so naan i konvi so Jlan-
mien nde'n. Ke o wunnin ke Zan i konvi su kle'n,

Se sran'n se e ke o lafiman

Jlanmien su'n:

- Use i ke: "?Ke a bu i so titi o?" I lie'n á kwlá
sí sa nga ti ye o se so'n.
- Se o ti Budafue'n, fa fluwa peplepe *La paix
et le bonheur durables : comment les trou-
ver i bue 9-12 kle i like.*
- Se o bu i ke klo sran fin ndo'n:

Fa Réveillez-vous ! be nun nde akpasua
ng'o suan "Hasard ou conception ?"
kle i.

Fa video *Les merveilles de la création
révèlent la gloire de Dieu* kle i.

Fa fluwa pepleeple nga mun kle
i: *Une vie pleinement satisfaisante :
Comment ?* i nde akpasua 4. *La vie
a-t-elle été créée ?* O nin *Cinq questions
à se poser sur l'origine de la vie.*

- Se sran lufle bule'n ɔ nin prennen'n ti'n,
sran'n lafiman Jlanmien su kun'n, fluwa
nga'm be kwla uke i:

Fluwa *Ya-t-il un Créateur qui se soucie
de vous ?* i nde tre 10.

Fluwa pepleeple nga mun: *Dieu se
soucie-t-il vraiment de nous ?* i bue 6.
O nin *Quel est le but de la vie ?* i nde
akpasua 6.

- Se a wun ke sran'n su lafi su ke Jlanmien
o le'n, fa fluwa *Biblu'n kle* naan kle i Bi-
blu'n nun like. Se amun bo i bo i nde tre
2 annze nde tre uflé ng'o nin i fata'n su'n,
ɔ ti kpa.

ɔ fali fluwa *La Bible : Parole de Dieu ou des hom-
mes ?* mènnin i. Ke Zan wieli fluwa so'n i nun
kanngan'n, ɔ seli ke "ɔ su wun ke Jlanmien o le
sakpa." I sin'n, atin bofue'n kleli i fluwa *Biblu'n
kle* i bue 20 i nde kpolé 8, ɔ nin i bue 23-24 i
nde kpolé 13-16. Be fa boli Biblu'n nun like suan-
le bo. Biblu'n nun nde mma nga be kanngannin
nun'n, ɔ wluwluli Zan i wun dan. O maan ɔ seli
ke: "O fata ke Biblu'n yo min cinnjin ke laa'n sa."

■ **Meksiki:** Bian kun seli jasin bofue kun ke o la-
fiman su ke Biblu'n fin Jlanmien. Jasìn bofue'n
seli i ke o kwla kle i ke Biblu'n fin Jlanmien sakpa-
sakpa. Biblu'n su yale nga be wa kokoli'n, ɔ ken-

Sé sran'n se kε ↗ lafiman Biblu'n su'n:

- Fa fluwa *La vie* : comment est-elle apparue ? Évolution ou création ? i ndε tre 17 nin 18 kle i like.
- Endu'm be lie'n, fa fluwa pεplepε Pourquoi adorer Dieu en amour et en vérité ? kle be like.
- Zuifu'm be lie'n, fa fluwa pεplepε Connaitrons-nous un jour un monde sans guerre ? i bue 3-11 kle be like.
- Sa nga ti yε Biblu'n nun mmla'm be su nan-tile'n ti kpa'n, ken i ndε kle sran'n. Fluwa nin video nga a kwla fa kle i'n yε:

Réveillez-vous ! nun ndε akpasua
"De l'aide pour les familles."

Video *La Bible, une force dans votre vie.*

Fluwa pεplepε nga mun: *Jasin fe kpa kun fin Jnanmien!* i like suanle 9 nin 11. *Un livre pour tous*, i bue 22-26. *Une vie pleinement satisfaisante : Comment ?* i ndε akpasua 2.

ngban be sieli i nzolie ke Biblu'n nun ndε'n kan sran'm be awlen'n tra e nuan nun ndε lie'n. (Ebr. 4:12) Ke sran kpanngban be wunnin Jnanmien i dunman'n Biblu'n nun'n, be kunndeli ke bé suan Biblu'n nun like." Beteli ng'ɔ o Endi ls'n kusu kleli ke: "Nguan'n ɔ nin wie'n i su nan-wle'n yo Endu'm be nun kpanngban be fe kpa. Asa ekun'n, ke be wun i ke Biblu'n kle ke cen wie lele sran'm be su bubuman be wun nun akpasuaakpasua naan be su kpaman sran nun kun'n, i sɔ'n yo be fe kpa wie." Ke jasin bofue'm be fa sa ng'ɔ o sran'm be su'n, be fiti be ndε'n su'n, be kwla fa Biblu'n kle be wafa nga Jnanmien i Sie-le'n wá yó be ye'n.

nin i awlen'n. Jnanmien i mmla mun yε be yoli i jenmen dan ɔn. ɔ maan ɔ seli jasin bofue'n ke: "Ke i klikli nun'n, e nin wɔ e kanngannin Biblu'n nun'n, ɔ yoli min ke i nun afctue mun nin fluwa onga'm be lie'n, be ti kun sa. W'a panman ta min su. Sannge sién'n, ke e kanngan nun mɔ n wun ayelie kpakpa ng'ɔ kle min'n, ɔ yo min fe dan."

■ **Etats Unis:** Aniaan kun nin i yi be bo jasin fe'n klɔ dan kun su. Le kun mɔ be siesielo be fluwa mun nzra nun'n, bla kun mɔ fin Taïwan wa toli be. Bla sɔ'n lafi su ke Jnanmien o le, sannge ɔ bu i ke Biblu'n ti blɔfue nga be o abloki nin

Budafue'm be lie'n, fa fluwa *La voie qui mène à la paix et au bonheur* i bue 3-7 kle be like.

Jnanmien flεfue'm be lie'n, fa fluwa *La vraie foi : le chemin qui mène au bonheur* i akpasua 3 kle be like.

?Se ɔ jasin bowlε nun lɔ sran'm be pin ci Biblu'n nin? Maan a nin be koko yalε kpε sunman kwlaa naan w'a se be ke Biblu'n nun yε ngwlelε ndε nga a kan kle be'n, ɔ fin ɔn.

- Wafa nga Jnanmien nuan ijcfue'm be ndε'n kpεnnin su'n, yi yi nun kle be. Fluwa nin video nga a kwla fa kle be'n yε:

Video *La Bible : un récit historique exact, des prophéties dignes de foi.*

Fluwa pεplepε *Un livre pour tous* i bue 27-29.

- Sé sran'n kunndε ke ɔ sí Biblu'n i nun ndε wie mun'n, fa fluwa *Biblu'n kle* kle i like.

⁸ Wie lie'n, be nga be tɔn be wun suen ke be ti Klistfue'n be ti'n, sran'n i pin ci Biblu'n. Se ɔ ti sɔ'n, maan e se i ke sran sɔ'm be kpeli Biblu'n i nun ndε'n i wun. Endi lɔ Beteli'n kleli ke: "O ju wie'n, ɔ fata ke e uka sran mun naan be wun i wle ke Biblu'n timan asɔnun wafawafa'm be aja like." Aniaan'm be waan fluwa pεplepε *Quel est le but de la vie ? Comment le découvrir ?* i akpasua 4 i nun ndε'n wluwlu Endu'm be wun kpa. Akpasua sɔ'n nun'n, be yi yi nun ke asɔnun wa-fa'm be kpeli Jnanmien Ndε'n i wun, naan bé wá le núnnún Biblu'n i osu mlɔnmlɔn. Brezili lɔ

8. ?Ndε benin yε e kwla kan kle be nga be pin ci Biblu'n niɔn?

Amlenkεn'm be men nun lɔ'n be ngunmin be lie'. Bla sɔ'n ti sran dan. Sannge ɔ diman aklunjue. ɔ seli i wun ke Biblu'n kwla ukε i naan w'a si sa nga ti yε e o mεn nun'n. Be fali fluwa *Biblu'n kle* ɔ nin fluwa pεplepε *La paix et le bonheur durables : comment les trouver* be fa boli i Biblu'n nun like klele bo. Nán fluwa *Biblu'n kle* i ndε tre njɔn su yε be boli i bo ɔ. Sannge be fali fluwa pεplepε'n i akpasua nga be flε i ke " *Un guide bénéfique pour tous les humains.*" Ke be kokoli i ndε kpɔk 1 mɔ fá jú 6 su yalε'n, bla'n seli ke Biblu'n leman wunsu. Ke ɔ wunnin wafa nga Jnanmien nuan ijcfue'm be ndε'n kpεnnin su'n, ɔ seli

Sε sran'n waan ↪ lafiman Ælanmién su'n, a kwla se i ke:

- “?N kwla kan sa nga ti yε n lafi su ke e le Yifue'n i nde n kle wɔ?” Kanngan fluwa *Comment raisonner* i bue 72-74 nun lɔ nde wie'm be nun kle i. Annzε se i ke, a kwla fa fluwa kun mɔ i nun kannganle'n yoli ↪ fe'n ble i.
- “?Sannge, se ↪ ti ke Ælanmién o le'n, nn á kúnnde ke i nzuen'n yo se?” Sran kpanngban be tε su ke be kunnde ke ↪ yo Ælanmién kun mɔ klo sran, mɔ yo sa nuan su sesesε, mɔ si aunnuε, mɔ kpaman sran nun'n. Fa Biblu'n naan kle i ke Ælanmién le nzuen so mun. (A kwla fa fluwa Biblu'n kle i nde tre 1 kle i like. An bo i bo nde kpɔle 6 su.)

Sε sran'n waan ↪ lafiman Biblu'n su'n, a kwla se i ke:

- “Sran kpanngban be se so wie. Wie'm be waan Biblu'n nin siansifuε'm be nde'n san-san be wun, annzε be waan be kwlá nan-

timen i nun mmla'm be su. ?Sannge w'a kanngan Biblu'n nun le? [Maan sran'n tε kosan'n su. I sin'n, fa fluwa pεplepε *Un livre pour tous* i su fitile'n mɔ o i bue 3 su'n kle i. Kpεkun fa fluwa'n men i.] Sran kpanngban be buman Biblu'n i like afin Ælanmién i sule wafa wie'm be kpeli i nun nde'n i wun. Fluwa'n i bue 4 nin 5 kεn i so'n i nde. N klo ke cen uflε'n, e koko su yale.”

- “Sran kpanngban be bu i so wie. ?Sannge, n kwla fa Biblu'n nun nde kun mɔ yo min fe kpa'n n kle wɔ? [Kanngan Zob 26:7 annzε Ezai 40:22 nun. Nde so'm be kle ke Biblu'n nin siansifuε'm be nde'n kɔ likawle.] Biblu'n man awlobofuε'm be afɔtue kpakpa ekun. N klo ke cen uflε n klé wɔ afɔtue so'm be nun kun.”
- “N yó wɔ mo nin ↪ klun nde kanle. Sannge se Ælanmién **kλeli** fluwa kun mannin klo sran mun'n, nn a bu i ke nde benin yε ɔ kwlá trán fluwa so'n nun ɔn?” I sin'n, fa Biblu'n nun nde kun mɔ nin i lie'n be kɔ likawle'n kle i.

titi atin bofue kun lie'n, ke ↪ to sran kun mɔ klo man Biblu'n, ↪ se i ke: “Se a klo'n a kwla si Biblu'n nun nde'n kpa. I so yε sran kpanngban yo ɔ. Nán ke san fii bέ káci asɔnunfue ti ɔ. Sannge se a suan Biblu'n nun like'n, like nga á sí i'n, ɔ bó ɔ nuan.”

⁹ Zoova si sran'm be tinuntinun be klun akundan'n. (1 Sam. 16:7; Nya. 21:2) ↪ su yo naan be nga be awlen'n ti kpa'n, be wa su i kpa. (Zan 6:44) Sran so'm be nun wie'm be lie'n, be nin a

9. ?Se i klikli nun'n, like nga Biblu'n kle'n timan sran kun i cinnjin'n, ngue ti yε ɔ fataman ke e sa sin bubu e ɔ?

ke: “Fluwa uflε ng'ɔ di nanwle ke Biblu'n sa'n, ↪ nunman le.”

■ **Zapɔn:** Bian kun seli jasin bofue kun ke i lie'n, ↪ lafiman Ælanmién su. Sannge aniaan'n w'a yacimεn i osu nianle. ↪ fali Réveillez-vous ! i akpasa nga be flε i “ Hasard ou conception ? ” fa kleli i. ↪ yoli i so kanngangan. Ke ɔ kó i prun'n, bian'n wa seli i wun ke atrεkpa'n e Yifue kun o le. Sien'n, ↪ lafi su ke Ælanmién o le sakpa. Jasin bofue'n nin i be suan fluwa pεplepε *Jasin fe kpa kun fin Ælanmién!* i nun like.

■ **Kanada:** Ke bla kun fin i awlo lɔ fiteli mɔ kó fú i loto nun'n, aniaan bla kun mεnnin i perio-

kleman be Ælanmién i su like le, annzε be siman Biblu'n i nun nde sunman. Jasın fe nga e bo'n kwla 'de be naan be wun sa ng'ɔ ti nanwle'n i wlε kpa.' (1 Tim. 2:4) Se bɔbɔ i klikli nun'n, like nga Biblu'n kle'n timan be nun wie'm be cinnjin'n, nán maan i so'n bubu amun sa sin. Amun fa Biblu'n i akua nga be yili be amun anien'n nun'n be nun kun kle be naan amun nin be nian nun. I lie'n be konvi so Biblu'n nun nde'n. I sin'n, maan amun fa e fluwa ?Ngue like yε Biblu'n kle i sakpasakpa ɔ? kle be Biblu'n nun like. E fluwa'm be nun cinnjin kpfue nga e fa kle sran'm be Biblu'n nun like'n, yε ɔ o le ɔ.

diki nga b'a fite uflεufle'n. Ke aniaan bla'n oli i osu nianle ekun'n, bla'n seli i ke ↪ lafiman Ælanmién su naan ↪ yaci i ndenngan. Aniaan bla'n i sa sin w'a bubumen i. ↪ fali fluwa pεplepε *Une vie pleinement satisfaisante : Comment ?* naan ɔ kó fá mén i. Ke ↪ juli bla'n i awlo lɔ'n, ↪ seli i ke ↪ si ke ↪ lafiman Ælanmién su, sannge ke mɔ i kungba yε ɔ te i mma mun ti'n, ↪ buli i akunndan. ↪ kleli i fluwa'n i bue 4 i nde kpɔle 6 mɔ kan lika nga e kwla pan afɔtue kpakpa'm be nde'n. Kpεkun fluwa'n i nun like suanle 2 su'n, mɔ kan ba tale i nde'n, ↪ wlε i fanngan ke ↪ kanngan nun. Aklunjue su yε bla'n fali fluwa'n niɔn.

LE MOCUE M'D BO I BO DESAMBLU I LE 30

Jue 126 ye srele

❑ Asɔnun'n i Biblu'n nun like suanle:

jil like suanle 26-28 (Min. 30)

❑ Janmién junman dile suklu' n

Biblu'n nun kannganle: Sa Nglo Yile 15-22 (Min. 10)

Janmién junman dile suklu' n i nun flanle (Min. 20)

❑ Junman dile apia:

Jue 43

Min 10: "Maan e uka be naan be Janmién sulafile'n 'i bo'n wla ase kpa.'" Ijole. I sin'n, wafa nga Zanvie i Fue cen klikli'n nun'n, e kwla bo sran'm be Biblu'n nun like klele bo'n, maan be yi i nglo. Wla aniaan'm be kwlaa be fanngan naan be di junman so'n wie.

Min 10: Amun uka amun wa'n naan o yo jasin bofue. Ijole so'n takla fluwa Organisés i bue 82 § 1-2 su. I kunngba'n wo km 11/06 i bue 9 § 5 nin 6 nun. Sié annze nién kun mo i ayelie'n ti kpa'n, mo i wa'n ti jasin bofue mo be nin a yomen i batemu'n, use i kosan. Se i ke o kle wafa ng'o ukeli i wa'n naan w'a kaci jasin bofue'n.

Min 10: Nán e kunngba ye y'a ka o. (2 Fam. 6:16) Ijole nin nzrafue'm be kosan usale. O takla fluwa Annuaire 2013 i bue 48 § 1-3 su. Afetue nga nde so'm be man'n, se nzrafue mun naan be ken i nde.

Jue 119 ye srele

Maan e uka be naan be Janmién sulafile'n 'i bo'n wla ase kpa'

Ké e wun wafa nga Zoova yra jasin fe'nbole junman'n su'n, o yo e fe lele kpe nun. Afin sran 250.000 tra su ye be yo be batemu afue kwlaa o. (Mml. 28:2) Ble sunman'n, ke jasin bofue kun uka sran kun lele mo be yo i batemu'n, kpékun w'a yaci i Biblu'n nun like klele. Sran ufle'm be ukale ye o kunnde i sien'n nion. Biblu'n nun like suanfue'n kusu'n, jasin fe'n mo i waan 5 wlé i wun ase bó ti'n, o jran like m'c su suan'n. Sanngé o ti cinnjin ke Biblu'n nun like suanfue'm be bo wla ase kpa nde nanwle'n i sile'n nun. Amun uka be naan be si Klist kpa naan b'a kwla jran kekle "ke sua bɔ be wle i bo ase kpa'n sa." (Kol. 2:6, 7; 2 Tim. 3:12) O maan kannze be yoli sran kun i batemu'n, sanngé o fata ke o suan fluwa Biblu'n kle nin fluwa Janmién klo e'n be nun like lele gue i ti nin i bo.—An nian Avrili 2011, Janmién Siele Ble junman fluwa'n i bue 2 nun.

Janmién junman dile suklu' n i nun flanle

Afue 2013 nun Le mocue ng'o bo i bo Desamblu i le 30 su'n, bé fá kosan nga be lóngó su ye'n bé dí junman. Ke o ko yo naan aniaan'm b'a kwla siesie be wun le mocue kwlaa nun'n, be kleli cen nga be kokoli nde'n i su yale'n.

1. ?Ngue ye o kwla uka Klistfue mun naan b'a yo wetefue men siefue'm be lika o? (Tit 3:2) [Nov. 4, w03 1/4 bue 31-32 § 18-19]
2. ?O yo se ye maan Onezimu mo 'laa w'a yoman sa kpa'n,' sien'n o wa yoli sa kpa' o? (Flm. 10, 11, 18) [Nov. 4, w08 1/10 bue 31 § 4]
3. ?Wafa se ye Klistfue kun kwla wlu Janmién i wunmien dele lika'n nun ande o? (Ebr. 4:9-11) [Nov. 11, w11 1/7 bue 28 § 16, 17]
4. ?Ngue ti ye Zezi 'i klun wá j5' mo i ti'n, "o kplinnin su maan be kunnin i waka'n" su'n nion? (Ebr. 12:2) [Nov. 18, w08 1/10 bue 32 § 4]
5. Zaki seli ke: "Ngwlélé b'c fin nyanmien su'n, se o ti sran'n, wuun é sé ke sa te kaan sa nun-men i wun. O klo-man ndenngan." ?Ngue ye nde so'n kle o? (Zak 3:17) [Nov. 25, w11 1/8 bue 26-27 § 15]
6. ?Wan mun yele 'be nga be wuli'n' mo 'be kannin jasin fe'n kleli be'n?' (1 Pie. 4:6) [Des. 2, w08 1/11 bue 12 § 6]
7. ?Ke nga 1 Zan 2:7, 8 fa kan'n sa'n, mmla benin ye Zan kén i nde ke o ti mmla "laa" kpékun o ti mmla 'ufle'n' nion? [Des. 9, w08 1/12 bue 30 § 5]
8. ?Wan ye be fle i "Alfa nin Omega" nin 'like'n kwlaa i klikli nin i awielie'n' nion? (Ngl. 1:8, 17) [Des. 16, w09 1/1 bue 30 § 6]
9. ?Ngue yele "asie'n" mo Sa Nglo Yile 12:15, 16 kén i nde'n? [Des. 23, w09 1/1 bue 32 § 6]
10. ?Ngue ti ye sran fi siman Zezi i dunman ng'o kle i wun'n saan i bôbô ye o si i o? (Ngl. 19:12) [Des. 30, w09 1/2 bue 25 § 1]

LE MOCUE M'D BO I BO ZANVIE I LE 6

Jue 132 ye srele

❑ Asɔnun'n i Biblu'n nun like suanle:

cl i bue 3 o nin nde tre 1, § 1-9 (Min. 30)

❑ Janmien junman dile suklu:

Biblu'n nun kannganle: Bo Boile 1-5
(Min. 10)

No. 1: Bo Boile 4:1-16 (Nán maan o tra miniti 4)

No. 2: ?Ngue ti ye o fata ke be kle e mo e ti klo sran'n, e atin on?—fg bue 22, kosan 1 (Min. 5)

No. 3: Like nga ti mo Janmien yaci sran mun le mo be wun prenen'n—td 20B (Min. 5)

❑ Junman dile apia:

Jue 125

Min 10: Wafa nga e kwla fa periodiki mun e man Zanvie nun'n. Ijole nin nzrafue'm be kosan usale. Like nga ti ye amun lika'n nun lo'n, periodiki'm be nun nde'm be kwla yo sran'm be fe'n, ken i nde. (Nán maan o tra miniti 1.) I sin'n, fa o jin sie i nde ng'c kle Sasafue Tranwle'n su'n i su. Se nzrafue mun naan be kle kosan nga e kwla usa'n, o nin Biblu'n nun nde mma nga o fata ke e kanngan nun'n. Fa Réveillez-vous ! naan yo i kunngba'n. Kpékun se ble o le'n, fa nde ufle periodiki nnon'n be nun kun nun naan yo i kunngba'n. Wafa nga be kwla fa periodiki'm be man'n, maan be yi i nglo kunngunngun.

Min 10: Ninnge ng'c fata ke asɔnun'n fe i jin sie su'n.

Min 10: ?Ngue ye nde ss'm be kle e o? Ijole nin nzrafue'm be kosan usale. Maan be kanngan 1 Korentfue Mun 9:19-23 nun. Wafa nga nde mma ss'm be kwla uka e jasin fe'n bole nun'n, amun yiyi nun.

Jue 7 ye srele

Jasin mun

■ **Desamblu nun'n:** Siele Blc'n i ngannien no 38, ?Ngue like ye Biblu'n kle i sakpasakpa o? Annze fluwa njaa? Amun kunnde ke amún si nde ng'c ti nanwle'n? **Zanvie nin Fevrie nun'n:** Jasim fe kpa kun fin Janmien! annze e fa e fluwa pepleeple nga'm be nun kun e man: *Amun tie Janmien nde'n, Amun tie Janmien nde'n naan amun a pan nguan tititi, Anannganman nguan'n i atin'n – ?Amun a wun i?, La Bible – Quelle est son message?* Maan e mian e pin naan e bo Biblu'n nun like klele bo. **Marsi nin Avrili nun'n:** Sasafue Tranwle'n nin Réveillez-vous !

■ Afue 2015 nun'n, Avrili i le 3 su'n m'o ti Ya cen'n, ye o ti E wla kpenle cen'n nion.

Ajale nga e kwla fa'n

E bo Biblu'n nun like klele bo Zanvie i

Fue cen klikli'n nun

"Janmien i wun akunndan nga sran'm be bu'n, o ti fanunfanun. Be wie'm be waan Janmien ti like kun m'o le wunmien on. Sran wie'm be kusu be waan o ti ke Sie kpa kun sa, naan o nglo lo. ?O lie, a bu i ke Janmien ti se?" Maan sran'n te kosan'n su. Fa nde ng'c o Zanvie 1 *Sasafue Tranwle'n* i sin bui'n su'n kle sran'n naan amun koko nde ng'c o kosan klikli'n i bo le'n i su yale. Fa periodiki mun men i. Kpékun cen nga amún kókó kosan ng'c be i sin'n, i su yale'n, maan amun nuan se su.

SASAFUE TRANWLE'N® Zanvie 1 BO ZOOVA I SIELE BLE'N I JO

"E ba amun wun wunle naan é kókó sa kun m'o yo e ngba'n e ya'n, i su yale kan. Sa so'n yele e awlen su sran mo be wu'n. Ke e janvye annze e osufue kun wun'n, i ya m'o yo'n o leman wunsu. ?A bumen i so wie? [Maan sran'n te kosan'n su.] Biblu'n nun nde mma nga fɔnvɔli sran kpanngban. [Kanngan Ezai 25:8 nun.] Biblu'n kle ke wie'n su tranman le kun naan e awlen su sran nga be wuli'n bé kwlá trán nguan nun ekun. Fluwa nga yiyi nde so'n nun."

Réveillez-vous!® Zanvie

"Ande'n awlobo nunfue'm be o afe nun. ?A wunmen i so wie? [Maan sran'n te kosan'n su.] Biblu'n nun panndra kun kle like nga awlobofue'm be kwla yo naan be awlobo nun w'a jo foun'n. [Kanngan Nyanndra Mun 24:3 nun.] Sran kpanngban wunnin i ke Biblu'n kle sran ngwlele. Fluwa nga kan enteneti adresi kun i nde. Ninnge wie mun ke video nin desen sa'n, mo be kwla uka awlobo mun'n, be o lo."

Jasin fe'n bole nun nde mun

■ **Tchad:** Afue 2013 nun Me i le 27 su'n, aunmuā dan kun fitali lo klo dan nga be fle i Pont Karol su. Sua'm be nun sunnan nga be bubuli'n, aniaan 41 be lie o nun. Comité de secours kplannin sua 12. Kpékun be boboli sua 5 be su ufle. Be fali le mɔcœ nsan ce ye be dili i so junman'n nion. Sran'm be wa wunnin i wle ke aniaan'm be klo be wun kpa ke Klistfue kpa mun sa. "Se an klo amun wiengu'n, i so'n nun ye sran'm be kwlaa bé si ke an i sɔnnɔnfue-o."—Zan 13:34, 35.

■ **Côte d'Ivoire:** Afue'n, sran 21.697 ye be trannin e nvle kun apia'm be bo o. Jasin bofue'm be ti 9.427. Kpékun sran 324 ye be yoli be batemu o. Titi sran nga be yo be batemu'o nin be nga be tran e nvle kun apia'm be bo'n, b'a sɔnnman ke afue lie'n sa. Se e fa sunnzun afue sin lie'n, é sé ke afue'n sran koe 2.000 be wa ukali be nga be trannin e nvle kun apia'm be bo'n, be su.



km13.12-AO Wa
130916